



REGIONALNI CENTAR ZA OKOLIŠ  
za Bosnu i Hercegovinu

Regionalni centar za okoliš (REC) je nestranačka i neprofitna, projektno usmjerena organizacija, čija je misija pružanje pomoći u rješavanju okolišnih problema u Srednjoj i Istočnoj Evropi. Ovu misiju Centar obavlja tako što promovira saradnju između nevladinih organizacija, vlada, poslovnih sektora i drugih zainteresiranih aktera u oblasti okoliša, te putem podrške slobodnoj razmjeni informacija, učešća javnosti i implementacijom brojnih projekata iz ove oblasti.

REC je osnovan 1990-te od strane Sjedinjenih Američkih Država, Evropske komisije i Mađarske. Danas, je pravni osnov za djelovanje REC-a Povelja koju su potpisale vlade 28 zemalja i Evropska komisija, te međunarodni sporazum sa Vladom Mađarske.

Sjedište i glavni ured REC-a nalazi se u mjestu Szentendre u Mađarskoj, sa podružnicama i terenskim uredima u svakoj od 17 zemalja korisnica njegovih usluga: Albaniji, Bosni i Hercegovini, Bugarskoj, Crnoj Gori, Češkoj, Estoniji, Hrvatskoj, Latviji, Litvaniji, Mađarskoj, Makedoniji, Poljskoj, Rumuniji, Slovačkoj, Sloveniji, Srbiji i Turskoj.

Ured REC-a za Bosnu i Hercegovinu je osnovan 1997. godine s ciljem da podstakne rad u oblasti okoliša u poslijeratnoj BiH. U dosadašnjem radu Ured za BiH je ostvario izuzetnu saradnju sa svim sektorima koji učestvuju u ovoj oblasti. REC BiH ima 16 stalnih uposlenika i oko 30 vanjskih suradnika. Pored ureda u Sarajevu, REC je također uspostavio Terenski ured u Banjoj Luci, te Projektni ured u Mostaru.

#### Glavni ured:

Kalemova 34, 71000 Sarajevo  
Telefon: +387 (0)33 209 130; +387 (0)33 263 050;  
Faks: +387 (0)33 263 050;  
E-mail: info@rec.org.ba

#### Terenski ured:

Slavka Rodića 1, 78000 Banja Luka  
Telefon: +387 (0)51 215 297;  
Faks: +387 (0) 51 317 022;  
E-mail: rec.bl@inecco.net

#### Projektni ured:

dr. Ante Starčevića b.b. (Federalna zgrada), 88000 Mostar  
Telefon: +387 (0)36 327 331;  
Faks: +387 (0) 36 327 331;  
E-mail: rec-neretva@tel.net.ba



Projekat upravljanja čvrstim otpadom u Bosni i Hercegovini započeo je 12. jula 2002.godine potpisivanjem Razvojnog kreditnog sporazuma između između Bosne i Hercegovine i Međunarodne asocijacije za razvoj (International Development Association – IDA). Na temelju

ovog kreditnog sporazuma Međunarodna asocijacija za razvoj odobrila je kredit Bosni i Hercegovini pod uvjetima i prema rokovima određenim ovim sporazumom i Projektnim sporazumima između Međunarodne asocijacije za razvoj i Federacije Bosne i Hercegovine i Međunarodne asocijacije za razvoj i Republike Srpske. Daljnjim aranžmanima pod-pozajmljivanja Federalna vlada je putem Ministarstva finansija izvršila pozajmljivanje kreditnih sredstava komunalnim preduzećima u Federaciji, pa tako i Regionalnoj deponiji «US REG-DEP» d.o.o. Bihać / Jedinica za implementaciju projekta (Subsidijarni kreditni sporazum potpisan dana 27.10.2004.godine). Aktivnosti na izgradnji regionalnih deponija u Federaciji Bosne i Hercegovine provode se u skladu sa entitetskim Zakonom o upravljanju otpadom (Sl. novine F BiH br. 33/03) i programskim dokumentom Strategije upravljanja čvrstim otpadom u BiH, kojom se predviđa uvođenje sistema upravljanja otpadom organizovanog na regionalnom nivou. Sistemom regionalnog upravljanja otpadom predviđeno je da se u srednjeročnom periodu do 2010.godine izgradi oko 16 regionalnih sanitarnih deponija čvrstog otpada u cijeloj Bosni i Hercegovini. Jedna od tih deponija je i sanitarna deponija za regiju Bihać. Regionalna deponija «US REG-DEP» d.o.o. Bihać registrirana je 12.10.2004.godine kod Kantonalnog suda u Bihaću. Osnivači društva ograničene odgovornosti Regionalna deponija «US REG-DEP» Bihać, Skupština USK-a i sedam općina (Cazin, Velika Kladuša, Bužim, Bosanska Krupa, Bosanski Petrovac, Klujuč i Drvar), obavezali su se da će potpisivanjem subsidijarnog kreditnog sporazuma sa Federalnim ministarstvom finansija započeti realizaciju projekta izgradnje sanitarne regionalne deponije Bihać. Kao inicijalna kreditna sredstva odobren je iznos od 1.000.000,00 USD. Trošenje ovih sredstava usaglašeno je Planom trošenja kreditnih sredstava u skladu sa pravilima provođenja procedura postavljenim od strane kreditora – Međunarodne asocijacije za razvoj tj. Svjetske banke. U okviru Federalnog ministarstva prostornog planiranja formirana je Jedinica za upravljanje projektom (Project Managment Unit – PMU) putem koje se vrši implementacija projekta po regijama, a na temelju unaprijed usuglašenog Plana nabavke. Osnovni cilj Projekta upravljanja čvrstim otpadom je da se putem zakonskih i strateških dokumenata eliminiraju desetine legalnih općinskih odlagališta otpada, koji trenutnim načinom upravljanja i odlaganja otpada ne odgovaraju standardima koji su sigurni za zdravlje ljudi i okoliš, te hiljade ilegalnih tzv. «divljih deponija» koje direktno ugrožavaju zdravlje ljudi i okoliš. Važno je napomenuti i to da je dostizanje standarda u ovoj oblasti jedan od bitnih preduvjeta na putu Bosne i Hercegovine ka Europskoj uniji.

Ostali ciljevi Projekta upravljanja čvrstim otpadom su:

- poboljšanje usluga za čvrsti otpad u područjima koja učestvuju u Projektu,
- povećanje administrativnih i tehničkih kapaciteta za upravljanje čvrstim otpadom,
- poboljšanje cijena u tom sektoru i podsticanje angažmana privatnog sektora,
- rješavanje problema životne sredine i smanjenje rizika po zdravlje koje izaziva neadekvatno sakupljanje otpada i sistem odlaganja otpada.

REGIONALNA DEPONIJA  
«US REG-DEP» d.o.o. Bihać

Ul. V korpusa 15, 77000 Bihać, Bosna i Hercegovina  
Tel: + 387 37 228 310; 228 311; 224 058  
Fax: + 387 37 228 310  
E-mail: usregdep@bih.net.ba



Kampanja je naručena i finansirana od strane Regionalne deponije "US REG-DEP" d.o.o. Bihać u sklopu Projekta upravljanja čvrstim otpadom po Tenderu broj: BA-SWM-CQ-064-S-06-3672-BOS/BI (Godišnja ekološko-edukativno-komunikacijska kampanja za 2007.godinu).

***Kampanja podizanja javne svijesti o potrebi zaštite zdravlja stanovništva i okoliša/životne sredine putem unapređenja upravljanja otpadom u regiji Bihaća***

## **“E K O L U C I J A”**

### **Cilj i svrha kampanje:**

- Povećanje razumijevanja i davanje podrške principima i razlozima zaštite okoliša putem poboljšanja sistema upravljanja otpadom, jačanje povjerenja i spremnosti za aktivno učešće stanovništva u projektu upravljanja čvrstim otpadom.
- Osim što želi ukazati na negativan uticaj nepravilnog odlaganja otpadom projekat javne kampanje, između ostalog, ima za cilj ukazati i na pozitivne ekonomske i socijalne efekte pravilnog upravljanja otpadom.
- Posebna pažnja, tokom kampanje, će se posvetiti problemu divljih deponija, koje se nalaze na području cijele regije i imaju širok spektar negativnog uticaja na zdravlje ljudi i okoliš, a ujedno su i pokazatelj niskog nivoa svijesti građana o potrebi očuvanja okoliša.

### **Vremensko trajanje kampanje:**

Od januara 2007. godine do decembra 2007. godine.

### **Ciljna grupa:**

Kampanja će se implementirati na regionalnom nivou sa fokusom na

osnovnu ciljnu grupu - stanovništvo grada Bihaća; te općina: Cazin, Velika Kladuša, Bužim, Bosanska Krupa, Bosanski Petrovac, Ključ i Drvar.

### **Akteri u kampanji:**

Uz Regionalni centar za okoliš Bosne i Hercegovine (REC BiH) - voditelja kampanje, aktivno učešće imaju sljedeći partneri: Regionalna deponija “US REG-DEP” d.o.o. Bihać; medijski partneri (Unsko-sanske novine “Krajina”, TV USK, radio stanice: USK, Bihać i Bosanska Krupa), stručnjaci za otpad, te nevladine organizacije iz Bihaća (NVO EKUS i Unski smaragdi).

Uz navedene partnere u kampanji, predviđeno je i učešće predstavnika:

- Ministarstva građenja, prostornog uređenja i zaštite okoliša Unsko-sanskog kantona,
- Ministarstva obrazovanja Unsko-sanskog kantona,
- Općina / odjela komunalnih djelatnosti,
- Zavoda za javno zdravstvo Unsko-sanskog kantona,
- Organizacija za zaštitu sliva rijeka Una i Sana,
- Komunalnih preduzeća,
- Nevladinih organizacija / Udruženja građana,
- Ostalih elektronskih i printanih medija.

### **Aktivnosti kampanje:**

- informiranje javnosti o trenutnoj situaciji i problematici upravljanja otpadom te o novim načinima odlaganja otpada
- objasniti ulogu i prednost (ekološku, ekonomsku i zdravstvenu) sanitarne

- regionalne deponije u Strategiji upravljanju čvrstim otpadom za BiH
- objasniti moguće zdravstvene probleme koji nastaju kao posljedica postojanja divljih deponija
- objasniti štete, u zdravstvenom, ekonomskom i ekološkom smislu, koje nastaju trenutnim načinom odlaganja otpada putem divljih deponija
- priprema i učestvovanje na TV i radio emisijama (koje pokrivaju područje općina-osnivača regionalne deponije Bihać)
- izrada TV i radio promotivnih poruka
- organizovanje javnih tribina, press konferencija i okruglih stolova
- izrada edukacijskih materijala (brošura, plakata, letaka, video zapisa, fotografija, anketa i ostale dokumentacije)
- edukacija po školama uz obilježavanje važnih ekoloških datuma
- organizovanje edukativne ekskurzije sanitarnoj deponiji “Smiljevići” u Sarajevu

### **Više informacija:**

Detaljne informacije o kampanji “Ekolucija”, uključujući vremenski plan aktivnosti možete pogledati na:

**<http://www.rec.org.ba/ekolucija.htm>**

ili kontaktirati koordinatorka kampanje:

**Regionalni centar za okoliš  
Za Bosnu i Hercegovinu (REC BiH)  
Kalemova 34, 71000 Sarajevo, BiH  
Tel: 033 20 91 30; 26 30 50  
Faks: 033 26 30 51  
E-mail: [inka@rec.org.ba](mailto:inka@rec.org.ba)**